

## Mazinn

Kan mo get lesiel  
later lamer  
Kan mo kontanb liniver  
e to seki tonn fer  
Mo less mo ladmiration  
Poz mwa enn kestion  
Ki zom so valer  
Pou to pran li kont Segner ?  
Dan to kreasion  
Tonn donn mwa mo valer  
To finn kouronn mwa  
Avek laglwar ek loner  
Donn mwa lintelizans  
Ek kreativite  
Pou mo pran swin lanatir  
Ki tonn met dan mo lamin

**Kan mo mazinn mo pese**  
**Tonn sarye lor lakrwa**  
**Kan mo mazinn to lamour**  
**Manifeste pou mwa**  
**To leker transperse**  
**Soufrans tonn andire**  
**Disan tonn verse**  
**Lavi ki tonn done**  
**Kan mo mazinn tousala**  
**Zezi mo dir twa mersi**

Tonn donn mwa enn sans  
Enn direksyon  
Dan to resanblans  
Diferans enn relasion  
Ar seki tonn donn mwa  
Ki monn al fer?  
Lanvi zalouzi lorgey  
Inn vinn mo diktater  
Monn less ladmiration  
Monn aret kontanple  
Mo viv dominasion  
Pou mo transforme  
E mo pann ekoute  
Seki to oule  
Pou seki tonn kree  
Monn bliy to bann simin

